



24. agusti 2018

UKA 2018/50

Inatsisartut Suleriaasianni § 33 naapertorlugu aalajangiiffisassatut siunnersuut imattoq matumuuna saqqummiuppara:

**Aningaasarsiaqartitaaneq<sup>i</sup> pillugu inatsisip ilaasortaajunnaarnersiutisiaqartarnermut malittarisassartaasa allangortinnissaannut siunnersuuteqaqqullugit Naalakkersuisut peqquneqarnissaanik Inatsisartut aalajangiiffisassaattut siunnersuut, taamaasilluni ilaasortaajunnaarnersiutisiaqarnerup nalaani akissarsiat tamarluinnaasa ilaasortaajunnaarnersiutisianit ilanngaatigineqarsinnaanngorlugit.**

(Inatsisartunut ilaasortaq Niels Thomsen, Demokraatit)

### **Tunngavilersuut**

Naalakkersuisuni Inatsisartuniluunniit ilaasortaajunnaartoq ullumikkut ilaasortaajunnaarnersiutisiaqartinneqartarpooq. Ilaasortaajunnaarnersiutisiat minnerpaamik qaammatini pingasuni sivisussuseqartarput sivisunerpaamillu qaammatini aqqaneq-marlunni. Ukiut tamaasa ilaasortaajunnaarnersiutisiaqalernissamut katersat qaammatip aappaa avillugu pissarsiarineqartarput.

Aaqquissuussinermi siunertaavoq Inatsisartuni Naalakkersuisunilu ilaasortaajunnaartut aningaasatigut qularnaariffigineqassammata; isertitaqartillugit maannamut aningaasariisimasaasa amerlaqataannik, piffissami ikaarsaarfimmi, naammattumik sivisussusilimmik taamaasillutik periarfissaqarniassammata allamik akissarsiaqatigisaminnik suliffeqalersinnaanissaat.

Oqartoqarsinnaavoq tamanna suliffissaarunnissamut sillimmasiinerusoq.

Aningaasatigut qularnaariffiginnitqanngippat, inuit ilaat Inatsisartunut sassarnissaminnut immaqa noqittassajunnarsipput.

Arlallit atorfimminnit soraartarput Inatsisartunut ilaasortanngoraangamik. Imaluunniit namminersortuunertik unitsittarpaat. Kisianni politikki sulliviavoq qularnartortalik. Naalakkersuisuni ilaasortaq sukkulluunniit soraarsitaariataarsinnaavoq, qinersinissaq suaarutigineqarsinnaavoq piffissap sivikitsuinnaap ingerlanerani pisussanngorlugu aamma qinigaaqqinnissaq apeqqutaajaannarpooq?

Arlaanni - piumagutta piumanngikkalaruttaluunniit - atorfigut qimattariaqarsinnaavagut. Inuit ilaat Inatsisartuni Naalakkersuisuniluunniit ilaasortaanermik nalaani pisortani atorfimminnit sulinngiffeqarallartarput taamaasillutilu atorfimminnut uteqqipallassinnaasarlutik. Inuit ilaat nammineq piumassutsiminnik Inatsisartuni ilaasortaajunnaartarput namminersorlutik inuutissarsiortuni atorfimmik pilerinartumik neqeroorfigitissimagunik. Allat suliffissaqarneq ajorput ilaasortaajunnaaraangamik. Suliffissarsiortariaqartarput, suliffittaarnissaasalu tungaanut piffissaq sivisooq ingerlaqqaarsinnaasarluni.



Kingulliillu taakkuupput ilaasortaajunnaarnersiutisiaqartarnikkut illorsorniarneqartut. Inuit ilaasortaajunnaaraangamik suliffissaqarneq ajortut.

Maannakkulli ilaasortaajunnaarnersiutisiaqartarnermut aaqqissuussineq imatut ilusilingaavoq immikkoortinnejqaratic illorsorneqarnissaminnut pisariaqartitsisut allallu pisariaqartitsinngitsut.

Inuitilaat Inatsisartuniit atorfinnut akissarsiarissaarfiusunut nuuttarput - ilaasortaajunnaarnersiutisiaqaannarlutik. Aaqqissuussineq taamaattoq inuiaqatigiinni ingerlalluareersunut tukkorneruvoq mikanngitsumik. Tukkorneruvoq mikanngitsoq inuiaqatigiinnit akilerneqartartoq naak amerlasuut ilaasortaajunnaarnersiutisianut naleqqersuunneqarsinnaanngitsunik akissarsiaqartinnejqartaraluartut.

Inatsisartuni allani soorlu Danmarkimi Folketingimi aamma Norgemi Stortingimi aamma ilaasortaajunnaarnersiutisiaqartitsisoqartarpooq, ilaasortaajunnaarnersiutisiaqarnerulli nalaani allat akissarsiaasinnaasut ilanngaatigineqartarput. Ilasortaqtunuarsimasoq suliffeqaleruni ilaasortaajunnaarnersiutisiaqarsinnaavoq, taamaallaalli inuup taassuma inatsisartuunermini naalakersuisuunerminiluunniit isertitaasa tamarmiusut angeqqataannik.

Taamatut ilaasortaajunnaarnersiutisiaqartarnermut aaqqissuussineq aaqqissuussinerup siunertaanut naapertuuppoq: Ilaasortaajunnaarnersiutisiat ilaasortanut toqqissimatisssapput ikaarsaarfimmi akissarsiaqartassallutik aningaasarsiarisimasamik angeqqataannik. Eqqarsaatigineqanngisaannarnikuovoq ilaasortaajunnaarnersiutisiat bonusitut imaluunniit "soraarnermi immikkut akissarsiatut" isigineqassasut.

Ilaasortaajunnaarnersiutisiaqartitsisarneq pillugu malittarisassagut, pitsavallaqaat - sualummik eqqarsaatigalugit inuit atorfimminnit sulinngiffeqarallartut utersinnaasullu Inatsisartuni ilaasortaajunnaarniariarlutik.

Suleriaatsimut Ataatsimiititaliap ajornartorsiut taannarpiaq tikkuarnikuuaa".

Demokraatini Suleriaatsimut Ataatsimiititaliap isummersuutai isumaqatigaagut aamma isumaqarpugut piffissanngortoq ilaasortaajunnaarnersiutisiaqartitsisarnerup naleqqussarnissaanut, ilaasortaajunnaarlutik akissarsiaaruttut ajutooqqunagit ikiortarlugit pigissaareersullu siunertaqanngitsumik tuniorarunnaarlugit.

Annaniutinik tunineqartarput inuit avataani angallammik qimatsisariaqalersut - tunineqarneq ajorput umiarsuarmiit nunamut ikaalersut.

Taamatut oqaaseqarlunga Naalakersuisut akissuteqarnissaannut taamatullu partiit allat oqaaseriumaangassaannut qilanaarpunga.

**Aningaasarsiornikkut allaffissornikkullu pisortanut kingunissai.**



Siunnersuut piviusunngortinniarlugu inatsisisamut siunnersuusiorqartariaqassaaq. Allaffisornermut nukiit atorneqartussatut, nutserinissaq, tusarniaanissaq aamma inatsisip oqaasertaanik misissuinissaq ilanngullugit naatsorsuutigaarpuit inuup ataatsip ukiup affaani suliarinninnissaanit sivisunerunaviangnitsoq.

Inatsisartuni Naalakkersuisunilu ilaasortaasimasut akissarsiaqartinneqartarnerisa allanngortinneqarnerat Namminersorlutik Oqartussanut sipaarutaassaaq.

Sipaarutissat tagginneqarnissaat ajornarpoq apeqqutaassammat Inatsisartuni Naalakkersuisunilu ilaasortat qassit ukiut aalajangersimasut arlaanni ilaasortaajunnaassanersut aamma apeqqutaassaaq taakkunannga qassit ilaasortaajunnaarnersiutisiaqartinneqarnertik suli qaangiutinngitsoq akissarsiaqarlutik sulilissanersut imaluunniit namminersortutut isertitaqartalissanersut.

**Aningaaarsiornikkut allaffissornikkullu namminersorlutik inuutissarsiutunut kingunissai.**

Soqanngilaq

**Aningaaasatigut allaffissornikkullu innuttaasunut kingunissai.**

Soqanngilaq

---

<sup>i</sup> Inatsisartunut Naalakkersuisunullu il.il. ilaasortat a ningaaarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut i natsisaat

<sup>ii</sup> Suleriaatsimut ataatsimiititaliap UPA2015/42-mut isumaliutissiissummini ilaatigut ima allappoq:

*"Tjenestemandit, pisortanilu isumaqatigissutit tunngavigalugit amerlanerpaat, tamarmiunngikkunik, qinikkatut pisortanillu toqqakkatut atuuffimmik (pisortanit peqqussutaasumik isumaginissaanullu pisussaaffiusumik), soorlu Namminersornerullutik Oqartussat Qinikkatut Pisortanillu Toqqakkatut suliaqarneq pillugu nalunaarutaat nr. 5, 15. marts 1994-imeersumi § 2 naapertorlugu Inatsisartunut ilaasortatut.*

*Piffissaq sulinngiffeqarfiusinnaasoq piffissaligaanngilaq, piffissarlu ukiut qassit sulisimaneq tunngavigalugu akissarsiaqarnissamut soraarnerussutisiaqalernissamullu naatsorsuinermut ilaatinneqartarluni. [...]*

*Ilaasortat Inatsisartunut (Naalakkersuisunulluunniit) ilaasortatut atuuffik isumagisinnajumallugu sulinngiffeqartut eqqarsaatigalugit nalinginnaasumik atorfearfiusumiit akissarsiaqarani sulinngiffeqarneq pineqartarpoo. Tjenestemandi, imaluunniit allatigut isumaqatigiissuteqarneq tunngavigalugu sulinngiffeqartarneq eqqarsaatigalugu sanilliunneqarsinnaasoq, piffissaq sulinngiffeqarfiusoq naappat atorfitoqqaminut assigisaanulluunniit utersinnaatitaavoq.*

*Inatsisartunut Naalakkersuisunullu ilaasortanut tjenestemandit allatulluunniit pisortani atorfimmit sulinngiffeqartunut, tamanna isumaqarpoq taakku atuuffimminnit tunuaannarlutik tjenestemandit atorfimmit akissarsiaqarfiusumut utersinnaatitaammata peqatigitillugulu ilaasortaajunnaarnersiqaannarlutik.*

*Pisuni taamaattuni ilaasortaajunnaarnersiuteqarnissamik pisariaqartitsineq taamaalilluni oqaatigineqarsinnaanngilaq assigittut, ilaasortanut ilaasortaajunnaarnermik kingorna nalinginnaasumik akissarsiorfissaminnik suliffissarsiorqartunut imaluunniit inuussutissarsiutigalugu suliffeqimmik uninngatinneqarsimasumik allartiseqqitariaqartunut, tamannami pineqartuni tamani sivisusinnaammat. Tamanna iluarsineqarsinnaagaluarpoq ass. piffissami ilaasortaajunnaarnersiuteqarfiusumi isertinneqarsinnaasunut aalajangersimasut sinneraanni ilaasortaajunnaarnersiutinit nalimmassaalluni ilanngaassisoqartalerneratigut. Folketingimi taamaaqataanik aqqissuussisoqarsimavoq, ilaasortaajunnaarnersiutit*



---

*ikilisinneqartarlutik ilaasortaajunnaartoq sulinermigut akissarsiaqassagaluarpat. Qaammatinili siullerni aqqaneqmarlunni 133.566 kr. (april 2015-imi kisitsisit naapertorlugit) tikillugit ilanngaassisooqartarani.*

[...]

*Taamatut aaqqissuussinerup iluaqtissartaraa ilaasortaajunnaartut allanik isertitaqarneq ajortut piffissami ilaasortaajunnaarnersiuteqarfimminni aningaasatigut qularnaariffigineqassammata, akerlianillu ilaasortat piaartumik allanik isertitaqartalersut Nunatta Karsianik artukkissanatik."*